

唐兩京城坊考

一



唐兩京城坊考

(一)

徐松撰

唐兩京城坊考序

古之爲學者、左圖右史、圖必與史相因也。余嗜讀舊唐書及唐人小說、每於言宮苑曲折、里巷岐錯、取長安志證之、往往得其舛誤、而東都蓋闕如也。己巳之歲、奉

詔纂輯唐文、於永樂大典中得河南志圖、證以玉海所引、禁扁所載、灼是次道舊帙。其源亦出於韋述兩京記而加詳焉。亟爲摹鈔、愛同球璧。校書之暇、采集金石傳記、合以程大昌李好問之長安圖、作唐兩京城坊考、以爲吟咏唐賢篇什之助。昔宋皇祐中、欲行入閣儀、而莫知故實。後仁宗得唐長安圖、其儀始定。元豐時、都官員外郎蒙安國、得唐都省圖獻於朝、遂遷舊七寺監如唐制。政和四年、宋昇奏端門橋制考唐洛陽圖之四橋、而胡身之注通鑑、亦引閣本太極宮圖、閣本大明宮圖、是唐宮省之圖、在宋時已珍重如斯。況於今又數百年後哉。嘉慶蒼龍上章敦牂孟夏之月、北平徐松、書於文穎館直廬。

唐兩京城坊考圖

西京外郭城圖

西京三苑圖


西京宮城圖


西京皇城圖


西京大明宮圖

西京興慶宮圖


西京外郭城圖








西京三苑圖




西京皇城圖




門福安

門義順



圖宮慶興京西



唐兩京城坊考卷之一

大興徐松星伯撰

平定張穆誦風校補

西京

唐西京。初曰京城。隋之新都也。開皇二年所築。按周漢皆都長安。而皆非隋唐之都城。文王作豐。在今西安府郿縣。武王宅

堅姚萇所據。皆漢城也。隋開皇二年。始移於龍首原。唐天寶元年曰西京。至德二載曰中京。上元二年復曰西京。次年曰上都。

宮城

宮城東西四里。南北二里二百七十步。按七十呂大臨長安圖作四十。周十三里一百八十步。其崇三丈五尺。南卽皇城。北

抵苑。東爲東宮。西爲掖庭宮。隋時規建。先築宮城。次築皇城。次築外郭城。故唐西京宮城最在北。皇城在宮城南。外郭城又在皇城南也。

宮城亦曰西內。其正牙曰太極殿。唐龍朔後天子常居大明宮。大明宮在宮城東北。故謂大內爲西內。景雲元年改曰太極宮。城之南面五門。長安志作六門。蓋通東宮門計之。正南

承天門。隋開皇二年作。初名曰廣陽門。仁壽元年改曰昭陽門。唐武德元年改曰順天門。神龍元年改曰承天門。門外有朝堂。東有脚石。西有登聞鼓。其門上有棟。舊書王珣傳以鐵騎至承天門時。睿宗聞鼓噪聲。召郭元振。升承天樓。宣詔下關環等。從元宗至樓上。舊書高祖斬皇甫希仁於順天門。即承天門也。朝野僉載。西京朝堂北頭。隋曰唐興村。門前有大槐樹。文皇帝移長安城。將作大匠高穎常坐此樹下。檢校後栽樹行不正。欲去之。帝曰。高穎坐此樹下。不須殺之。至先天一百三十年。其樹尚在承天門正當唐興村門首。按唐興村隋曰楊興村。唐時改之。若元正冬至。陳樂設宴會。赦宥罪。除舊布新。當萬國朝貢使者。四夷賓客。則御承天門以

聽政。六典。承天門。古之外朝。按舊書李泌傳。代宗山陵。靈駕發引上號。送於承天門。是奉送山陵。亦御此門。承天門東長樂門。舊書王志愔傳。開元十年。有京兆人權梁山。僞稱襄王男。自號光帝。與其黨及左右屯營押官謀反。夜中

時。擁左屯營兵百餘人。自景風長樂等門斬關入宮城。盡由景風門入皇城。西行折而北。由長樂門入宮城也。長安志。以廣運在長樂之東。非是。今從六典。廣運

門內有西左藏庫。按隋初有右藏黃藏。開皇十三年始闢左藏院。故有左藏庫之稱。或以在西者爲右藏。誤也。雍錄。太極宮中。東左藏庫在恭禮門東。西左藏庫在安仁門西。按通鑑注。引閣本太極宮圖。言西左藏之西則通訓門。通訓門蓋

通明門。長安志。作三門。亦通東宮門計之。中爲定武門。南直承天門。李氏圖作元武門。按舊書尉遲敬德傳。元吉步走。欲歸武德殿。敬德奔逐射殺之。其宮府諸將率兵大至。屯於元武

明門。北嘉猷門。北面二門。長安志。作三門。亦通東宮門計之。中爲定武門。南直承天門。李氏圖作元武門。按舊書尉遲敬德傳。元吉步走。欲歸武德殿。敬德奔逐射殺之。其宮府諸將率兵大至。屯於元武